

Helvetia Nostra u Cosa Nostra?

La decisiun da Losanna provochescha

DA FLURIN ANDRI
ED AUGUSTIN BEELI/ANR

■ **Tranter ils chantuns da vacanzas resp. da turissem ed ils chantuns da la Bassa s'avra in foss. Betg in foss linguistic u cultural, plitost economic.** La decisiun davart las habitaziuns secundaras da la dretgira federala a Losanna rinforza questa relaziun. En l'Engiadina Bassa ed en Surselva n'èn ins betg da la medema opiniun sco giu Turitg.

La decisiun a favur da la fundaziun Helvetia Nostra da *Franz Weber* ha permalà e trumpà fermamain. Uschia èn ils responsabels da politica ed economia en las regiuns da vacanzas s'exprimids ier. Ch'i va vinavant cun il turissem è cler a tuts, dentant co che quai duai capitar sch'i vegn adina puspè bittà zutger en il tanc da benzin a l'industria turistica dal Grischun fa quitads a tuts. Ina alternativa è quella da sustegnair en l'avegnir bler pli ferm la hotellaria che è sa reducida ils davos onns fermamain.



La sentenza dal tribunal federal ha grondas consequenzas per il turissem en las regiuns muntagnardas.

FOTO A. BALZARINI

Quai pretenda dentant grondas investiziuns. A Ftan è il hotel Engiadina pertutgà direct da la decisiun da Losanna. Igl era numnadamain prevì da finanziar las investiziuns en l'hotel

cun construir tschintg habitaziuns secundaras. Uss è l'existenza dal hotel en privel. En Surselva pudess la decisiun animar da tschertgar autras pitgas per vitalisar il turissem. Ina alternativa

fiss che chantun e confederaziun sustegnissan sistematicamain e massiv ils hotels e l'infrastructura da quels.

➤ COMMENTARI E PAG. 2, 3 ED 11